



KO TE

KAHITI O NIU TIRENI.

[MOTUHAKÉ.]

HE MEA TA I RUNGA I TE MANA O TE KAWANATANGA.

PONEKE, MANE, HUNE 5, 1922.

Huihuinga o te Runanga Nui ki te Whakahaere i nga Mahi o te Paremata.

JELlicOE, Kawana-Tianara.

Ki nga MEMA o TE RUNANGA KAUNIHERA o te Tominiona o NIU TIRENI me nga MEMA i pootitia kia tu ki roto ki te WHARE o nga MANGAI o te Iwi o taua Tominiona i karangatia nei kia tae mai ki te Huihuinga o te Runanga Nui o taua Tominiona, kia tu ki te Taone o Poneke a te tekau ma rima o nga ra o te marama o Hune, kotahi mano e iwa rau e rua tekau ma rua, ki ia tangata o koutou: TENA RA KOUTOU KATOA.

HE PANUITANGA.

NOTEMEA e tu ana ko te tekau ma rima o nga ra o Hune, kotahi mano e iwa rau e rua tekau ma rua, te ra i whakaritea hei Huinga mo te Runanga Nui: He ahakoa, mo etahi take kua whakaaro ahau kia whakanekehia atu te ra huinga ki te Wenerei, te rua tekau ma waru o nga ra o te marama o Hune, kotahi mano e iwa rau e rua tekau ma rua, a i runga i tenei kaore he ritenga e tae mai ai koutou ki te Taone o Poneke nei i taua tekau ma rima o nga ra o Hune: Heoi e whakahau atu ana tenei ki ia tangata o koutou, ki era atu tangata katoa hoki e tika ai enei aronga, ko a te Wenerei, te rua tekau ma waru o nga ra o Hune, kotahi mano e iwa rau e rua tekau ma rua, a te hawhe paahi i te rua o nga haora i te awatea a taua ra, me tae tinana mai ia tangata o koutou ki te WHAKAHAERE I nga MAHI o te Paremata, ki nga Whare Paremata, i Poneke Tiriti, i te Taone o Poneke, ki reira whiriwhiri ai i nga ritenga me nga mea hei painga mo taua Tominiona o Niu Tireni, whakahaere ai hoki i nga mea e kitea ana e tika ana.

He mea tuku i raro i te ringa o His Excellency te Kawana-Tianara o te Tominiona o Niu Tireni; he mea whakaputa i raro i te Hiiri o taua Tominiona, i te Whare o te Kawana i Poneke, i tenei te rua o nga ra o Hune, i te tau o to tatou Ariki kotahi mano e iwa rau e rua tekau ma rua.

G. JAS. ANDERSON,
Mo te Minita o nga Mahi i roto i te Tominiona.

E TE ATUA TOHUNGIA TE KINGI!